



Agency for Development of Higher Education and Quality Assurance

**Saopštenje sa 23. sjednice Upravnog odbora Agencije za razvoj visokog
obrazovanja i osiguranje kvaliteta**

održane 17.06.2013. godine u Banjaluci

23. sjednica Upravnog odbora Agencije za razvoj visokog obrazovanja i osiguranje kvaliteta održana je 17.juna 2013. godine u Banjaluci.

Na sjednici kojom je predsjedavao predsjednik prof. dr. Ivo Rozić, članovi UO između ostalog, su razmatrali Informaciju o procesu akreditacije i zahtjevima za upis u Registar akreditovanih visokoškolskih ustanova.

U uvodnom izlaganju direktor Agencije dr Husein Nanić istakao je da je Agencija do sada imenovala deset komisija stručnjaka, te izadala četiri preporuke o akreditaciji na osnovu kojih je nadležni obrazovni organ, u ovom slučaju Agencija za akreditaciju visokoškolskih ustanova RS, izdala četiri rješenja o akreditaciji. U daljem postupanju Agencija vrši ocjenu usklađenosti rješenja o akreditaciji s normama i kriterijumima iz člana 48., alineja 1. Okvirnog zakona što je u toku za četiri visokoškolske ustanove. Postupak akreditacije završava upisom u Državni registar akreditovanih visokoškolskih ustanova čije vođenje je u isključivoj nadležnosti Agencije. Nakon rasprave u kojoj su učestvovali svi članovi, Upravni odbor obavezeo je Agenciju da ne može izdati preporuku o akreditaciji bez prethodne saglasnosti Upravnog odbora, a koja može biti data i elektronskim putem. Pozivajući se na nadležnost Upravnog odbora da nadzire rad Agencije, Upravni odbor je zadužio Agenciju da pripremi i traži tumačenje Parlamentarne skupštine Bosne i Hercegovine uloge Upravnog odbora Agencije u postupcima akreditacije prema Okvirnom zakonu o visokom obrazovanju u Bosni i Hercegovini.

Upravni odbor dao je saglasnost na imenovanje Komsije za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa u sastavu :

1. Prof. dr Stanko Stanić, Rektorska konferencija BiH- predsjednik,
2. Doc. dr Vedad Pašić- predstavnik kantonalnog ministarstva-član
3. Doc. dr Benjamin Muhamedbegović, Agencija za razvoj visokog obrazovanja i osiguranje kvaliteta-član
4. Mr sc. Jelena Starčević, Ministarstvo prosvjete i kulture Republike Srpske-član
5. Mr sc. Mara Matkić, Odjel za obrazovanje Vlade Brčko Distrikta-član

Na 23. sjednici članovima Upravnog odbora predstavljeni su novoimenovani zamjenici u Agenciji mr Velimir Jukić i mr Miljan Popić.